



PELANTIKAN KETUA PEGAWAI EKSEKUTIF BAHARU ISLAMIC RELIEF MALAYSIA

Lembaga Pemegang Amanah Islamic Relief Malaysia dengan sukacitanya hari ini mengumumkan pelantikan Siti Fadilah Mohd Hood sebagai Ketua Pegawai Eksekutif Islamic Relief Malaysia yang baharu berkuat kuasa 1 Februari 2025 bagi menggantikan Mohd Shukor Tahir yang telah menamatkan perkhidmatan pada 31 Januari 2025.

Siti Fadilah sebelum ini merupakan Timbalan Ketua Pegawai Eksekutif Islamic Relief Malaysia yang bertanggungjawab merancang, melaksana dan memantau pelaksanaan operasi organisasi.

Dengan pengalaman luas dalam bidang kemanusiaan dan kebajikan selama 18 tahun bersama Islamic Relief Malaysia, Siti Fadilah telah menunjukkan kepimpinan dalam aspek penjanaan dana, pemasaran, komunikasi, dan pembangunan program.

Berkelulusan Ijazah dalam jurusan Kejuruteraan Biokimia-Bioteknologi dari Universiti Islam Antarabangsa Malaysia, Siti Fadilah membuktikan kewibawaannya dalam memacu inisiatif kemanusiaan berimpak tinggi menerusi rekod prestasi yang cemerlang.

Sepanjang berkhidmat di Islamic Relief Malaysia, Siti Fadilah bersama pasukannya berjaya menjalankan beberapa kempen utama merangkumi program bermusim, kecemasan mahupun pembangunan mampan di dalam dan luar negara seperti Rezeki Ramadan, Palestine Appeal, Save Syria, MyYateem, Dana Wakaf Sistem Air, Kecemasan Lokal dan MySedekah di samping mewakili organisasi dalam kumpulan kerja global serta melaksanakan misi kemanusiaan di negara-negara seperti Somalia, Malawi, Bosnia and Herzegovina, Kosova, Turkiye, Jordan dan Bangladesh.

Kepakaran dan komitmen beliau terhadap misi Islamic Relief diyakini dapat memacu usaha organisasi di dalam menyediakan bantuan kemanusiaan yang berkualiti dan mampan.

Barisan Ahli Lembaga Pemegang Amanah, pengurusan tertinggi, dan seluruh warga kerja Islamic Relief Malaysia mengucapkan setinggi-tinggi tahniah atas pelantikan ini. Dengan kepimpinan dan pengalaman yang dimiliki, Islamic Relief Malaysia yakin Siti Fadilah akan terus memperkasakan organisasi dalam mencapai visi dan misi kemanusiaan yang diamanahkan.

Dato' Sri Syed Saleh Syed Abdul Rahman
Pengerusi
Ahli Lembaga Pemegang Amanah
Islamic Relief Malaysia

17 Februari 2025

Mengenai Islamic Relief

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief beroperasi di lebih 40 buah negara dan telah membantu lebih daripada 145 juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

Mengenai Islamic Relief Malaysia

Islamic Relief Malaysia telah beroperasi sejak 2004, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjana dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di www.islamic-relief.org.my

*Dikeluarkan oleh: Komunikasi Strategik, Pejabat KPE Islamic Relief Malaysia.
Untuk keterangan lanjut, hubungi Sis Zafirah di talian 019-220 1788 atau e-mel ke Zafirah.Zahari@islamic-relief.org.my*
